

OKVIRNI SPORAZUM SUKCESIVNA NABAVKA USLUGA SERVISIRANJA MOTORNIH VOZILA

Strane u okvirnom sporazumu:

MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE, La Benevolencija br. 16, koju zastupa policijski komesar Generalni inspektor policije **Fatmir Hajdarić**, (u daljem tekstu: Ugovorni organ)

i

DRR AUTO d.o.o., Kralja Tomislava br. 56, 71250 Kiseljak, ID broj: 4236536560007 kojeg zastupa direktor **Dragan Grubešić**, (u daljem tekstu: Dobavljač)

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH" broj: 39/14, 59/22 i 50/24) proveo otvoreni postupak za sukcesivnu nabavku usluga servisiranja motornih vozila za potrebe Uprave policije Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponudacom na period od 24 (dvadesetčetiri) mjeseca;
- Okvirni sporazum ne predstavlja obavezu Dobavljača na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi ponudaca broj 361/2025 od 15.08.2025. godine za LOT 1, broj 362/2025 od 15.08.2025. godine za LOT 2, broj 363/2025 od 15.08.2025. godine za LOT 4, broj 364/25 od 15.08.2025. godine za LOT 5, broj 365/2025 od 15.08.2025. godine za LOT 6, broj 366/2025 od 15.08.2025. godine za LOT 7 i broj 367/2025 od 15.08.2025. godine za LOT 8.

Član 2.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci usluga servisiranja motornih vozila za potrebe Uprave policije Ministarstva unutrašnjih poslova Kantona Sarajevo, u skladu sa uslovima iz tenderske dokumentacije, ponudom Dobavljača, odredbama ovog okvirnog sporazuma i stvarnim potrebama Ugovornog organa za:

- LOT 1 - servisiranje motornih vozila marke Renault
- LOT 2 - servisiranje motornih vozila marke BMW
- LOT 4 - Servisiranje motornih vozila marke Honda
- LOT 5 - Servisiranje motornih vozila marke Citroen
- LOT 6 - Servisiranje motornih vozila marke Ssang Yong
- LOT 7 - Servisiranje motornih vozila marke Fiat
- LOT 8 - Servisiranje motornih vozila marke Piaggio

Kolicima navedene u specifikaciji su okvirne i vrijede za vrijeme važenja okvirnog sporazuma.

Član 3.

Vrijednost Okvirnog sporazuma bez PDV-a iznosi za:

- LOT 1 - 9.980,00 (devethiljadadevetstinaosamdeset i 00/100) KM
- LOT 2 - 84.980,00 (osamdesetčetirihiljadadevetstinaosamdeset i 00/100) KM
- LOT 4 - 35.430,00 (tridesetpethiljadačetiristotinetrideset i 00/100) KM
- LOT 5 - 11.876,00 (jedanaesthiljadaosamstotinasedamdesetšest i 00/100) KM

- LOT 6 - 36.540,00 (tridesetšesthiljadapetstotinačetdeset i 00/100) KM
- LOT 7 - 34.320,00 (tridesetčetirihiljedetristotinedvadeset i 00/100) KM
- LOT 8 - 20.980,00 (dvadesethiljadadevetstotinaosamdeset i 00/100) KM

Ukupna vrijednost ovog okvirnog sporazuma bez PDV-a iznosi 234.106,00 (dvijestotinetridesetčetirihiljadejednastotinašest i 00/100) KM.

Cijene su fiksne i ne mogu se mijenjati za vrijeme važenja ovog okvirnog sporazuma.

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja okvirnog sporazuma pružati usluge servisiranja motornih vozila za potrebe Uprave policije Ministarstva unutrašnjih poslova Kantona Sarajevo.

Pojedinačni ugovori unutar Okvirnog sporazuma mogu se zaključivati samo do iznosa ukupne vrijednosti Okvirnog sporazuma, dakle okvirni sporazum prestaje sa važenjem utroškom cjelokupne vrijednosti Sporazuma i ne može premašiti ugovorenu vrijednost na koju je Okvirni sporazum sklopljen.

Ukoliko Ugovorni organ potroši svoja naprijed navedena sredstva za realizaciju predmetne nabavke i prije isteka roka na koji je sklopljen Okvirni sporazum, isti će se smatrati automatski raskinutim sa danom posljednje izvršene isporuke, odnosno plaćanja fakture za isto.

Član 4.

Nakon zaključivanja okvirnog sporazuma, ugovorne strane će zaključiti pojedinačne ugovore o javnoj nabavci. Pri zaključivanju pojedinačnog ugovora, ne mogu se mijenjati bitni uslovi iz ovog okvirnog sporazuma.

Usluge iz člana 2. ovog okvirnog sporazuma će se izvršavati sukcesivno, u skladu sa potrebama Ugovornog organa. Usluge će se pružati u servisu Dobavljača.

Član 5.

Ugovorni organ zadržava pravo raskida Okvirnog sporazuma ukoliko isporučena usluga servisa u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Sporazumne strane su saglasne da svaka strana može jednostrano raskinuti ovaj okvirni sporazum i unutar njega zaključene pojedinačne ugovore i zadržati pravo na naknadu štete zbog raskidanja okvirnog sporazuma/ugovora u slijedećim slučajevima:

- ako Dobavljač kasni sa isporukom, a zakašnjenje nije posljedica vanrednih okolnosti (više sile);
- ako Dobavljač dođe u situaciju da ne može ispoštovati okvirni sporazum/ugovor (stečaj, likvidacija i sl.);
- ako neka od sporazumnih/ugovornih strana svoje dospjele obaveze ne ispuni ni u naknadno prihvatljivom roku za sve sporazumne/ugovorne strane;
- ako je iz okolnosti posla jasno da jedna od sporazumnih/ugovornih strana neće moći ispuniti svoju obavezu i onda kada bilo koja sporazumna/ugovorna strana izjavi da svoju obavezu neće ispuniti.

Obavještenje o jednostranom raskidu okvirnog sporazuma i unutar njega zaključenog pojedinačnog ugovora mora se dostaviti drugoj sporazumnoj/ugovornoj strani isključivo u pismenom obliku.

Član 6.

Ovaj okvirni sporazum se zaključuje na period od 24 (dvadesetčetiri) mjeseca, a stupa na snagu danom obostranog potpisivanja i počinje se primjenjivati danom isticanja važećeg okvirnog sporazuma za svaki lot pojedinačno, i to:

- LOT 1 - servisiranje motornih vozila marke Renault od 03.01.2026. godine
- LOT 2 - servisiranje motornih vozila marke BMW od 10.12.2025. godine
- LOT 4 - Servisiranje motornih vozila marke Honda od 10.12.2025. godine
- LOT 5 - Servisiranje motornih vozila marke Citroen od 10.12.2025. godine
- LOT 6 - Servisiranje motornih vozila marke Ssang Yong od 10.12.2025. godine
- LOT 7 - Servisiranje motornih vozila marke Fiat od 10.12.2025. godine
- LOT 8 - Servisiranje motornih vozila marke Piaggio od 10.12.2025. godine.

Član 7.

Dobavljač nema pravo zapošljavati, u svrhu izvršenja Okvirnog sporazuma i unutar njega zaključenih pojedinačnih ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga okvirnog sporazuma, odnosno od početka realizacije Okvirnog sporazuma.

Član 8.

Ugovorni organ zadržava pravo raskida Okvirnog sporazuma ukoliko izvršena usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 9.

Na ostala prava i obaveze ugovornih strana, koja nisu regulisana ovim okvirnim sporazumom, primjenjivat će se odredbe Zakona o obligacionim odnosima.

Član 10.

Eventualno nastale sporove pri realizaciji ovog okvirnog sporazuma, strane u Okvirnom sporazumu će rješavati sporazumno, a ukoliko to nije moguće, utvrđuje se stvarna nadležnost Suda u Sarajevu.

Član 11.

Ovaj okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
DRR AUTO d.o.o. Kiseljak


direktor Dragan Grubešić

UGOVORNI ORGAN
MUP KANTONA SARAJEVO
UPRAVA POLICIJE


POLICIJSKI KOMESAR
Generalni inspektor policije
Fatmir Hajdarević

Broj: 566/2025
Datum: 08.12.2025 godine

Broj: 02-11-4-3811-8/25
Datum: 03.12.2025 godine